

# OMUKUETU

No. 2

Februarie

1954

OONDJO DOMBINZI.



ONDI NOKUNINGA NGIINI, NDI HUPICUE?  
ITAALA OMUUA JESUS, E TO HUPICUA. Iil. 16:30,31.

Omukuetu, otu nokuninga ngiini, opo tu hupicue kuje? Otu nokaigandja kuje tu kale muje, opo tu hupicue kuje. Ngashi taku tiua: „Kalen mu ngame, na ngame tandi kala mune.“ Joh. 15:4. Ongoka ta kala mu Jesus oje oti iimi oshindji. Joh. 15:5. Kala mu Jesus nguje u hupicue, opo uaa ekeluhi, ngashi Jesus muene te shi popi ngeji: „Ongoka ita kala mu ngame, oje te ekeluhi ong'oshitaji, no tashi kukuta; ojo no taji gongelua, no taji umbilua momulilo no taji pile mo.“ Joh. 15:6 Osho ano tu kondjeni nokudiginina tu kale mekota ndjoka lja kola oJesus. Ehupico ndika itandi li mono na ito li mono ngele ku na Jesus monkalo joje.

Omumati guOmua, Petrus, okue shi dimbulula, nkene kuaa na ue ehupilo li li palue; onke ta ti: „Omua otatu ji peni? Oohapu domuenjo ongoje u di na.“ Oje omuenjo guetu noje uujamba uetu; oje eguano ljetu noje onkondo detu muunkundi no muudigu. Oje etango ljetu noje ondjila jetu ndjoka ju uka ju ukilija kelago ljetu. Itaala Omua Jesus, e to hupicua. Simon Hedimbi.

## UUJOGOKI UOMENI.

Ongashi uo naaisrael ja lombueleleu ji ijapule nokujelica omizalo dauo ja uape okuheda kOmua, osho tuu nonena Omua ta hala ajehe mbo taa heda kuje nokutumbula edina lje, ji ijapule, naje ece uulunde (2 Tim. 2:19)

Uujogoki mbuka uomeni omuntu guOmua te u pumbua aluhe, ihe mutse jene tatu njengua oku u mona, nge itatu jogua kOmua Jesus. Oshoka ekota ljauo oli li medimopo ljoondjo. Omuntu ngele e li mono „a jogua - nokua jela ihe cmuntu aguhe“ (Joh 13:10). Muujogoki mbuka, cmuntu a jogua ku Jesus muene, tamu zi uujogoki tau ja nokombanda. Ombuka ou nejuoloko nuujogoki uolutu no ucmizalo do pajuni.

Ongoka a jogua kOmukulili muene, okua jogua songaga domuntu guomeni: oondjo, omadiladilo omiinaji oohedi oombuinaji domeni noondjigilile da nikuulunde. Omuntu ta ningi shili omuntu omupe guomu Jesus. Uujogoki mbuka uomeni tau uca omikalo domuntu dokombanda uo, oshoka omadiladilo nehala ljomuntu lja lunduluka uo epe. Peha lja shoka sha jogua mo momuntu tape ja iijimati iipe: Ohole jaa nekoto, cmadiladilo gaa nihelele, ecpilo muvareua laajete, cnbili na Kalunga no naantu ajehe nenjanju lja jela cmOmua.

T. A.

Ojendji ja cika naale medimopo ljoondjo doka ja li je di tula koshipala sha Kalunga. Jamue ja kala aahongololi ja hongolola mboka ja li ji itaala Omua Jesus. Ojo je shi ningi pamikalo di iili na di iili. Aahongololua jauo jamue ja mona eitedululo no haa njanjukilua esilohenda lja Kalunga sho lje ja aada ojo pamue naahongololi jauo.

Ihe omukriste kehe na dimbulukue oomuenjo daashitua ja Kalunga mboka kua li a kala najo muulunde ihe ojo inaa za mo. Ojo ngele taa ka kana, itashi ti oondjo doka dauo jene adike tadi ja kanica, aue. Ombinzi jauo otaji ku pulua ngoje nguka ua pukicile no ua hongolola kamue ka mboka ui itaala Omua Jesus. Ombinzi ja Jesus taji pulua ngoka ine ji itaala no ine ji taaamba. Ihe ombinzi ja nguka a kana no ta ka kana omuloje otaji ku pulua.

Oshinima shika osho oshinene shokupulua oondjo dOmbinzi jomukuetu ngoka tue mu kanica. Ondjo ndjika Kalunga ite ji dimbua nando esiku limue. Ombinzi ja Abel Kalunga okue ji pula mu Kain (1 Moses 4:9-10.)

Aamuahе ja Jofes ja kala omutumba koshipala sha Josef mu Egipiti na Ruben ta ti kaamujina. „Osho ngaaka tatu pulua ombinzi ja Josef“ (1 Moses 42:21-22.)

Mpaka tu uete naa naa neiuvo ljomuntu ngoka a hepekica omukuauo lja tila, oshoka ombinzi; jomuntu oji nondilo koshipala sha Kalunga. Omua Jesus okua popi uo nkene Kalunga tate ina hala ku kane nando okamue (Mat. 18:14.)

Ano mepangulo lja Kalunga omunankondo auike sho ta ka pangula omuntu kehe opiilonga je oombinzi ngapi to ke di pulua? Oomuenjo ngapi doka pamue da ciki nokuli naale muuehame omuloje?

Oku na oondjo dombinzi jomukuetu tatu ke di pulua. Oondjo dika aantu ojendji inaje di dimbulula nande.

Moramata jOmuprofeti Hesekiel 3:17-21.

Omua Kalunga ta ka pula ombinzi jomuntu ue mu tala ta ji moshiponga nenge e li mepuko lje ngoje no ino mu pukulula sigo omuntu a tja ngaaka ta sile moondjo de, oje ta si shili, ihe, Omua ta ti: „Ombinzi je otandi ji pula miikaha joje.“

Omuleshi! Aakriste aakueni jangapi mboka ua mono je li miihuna jauo nomomapuko gauo? Jangapi mboka ve ja pukulula nando inaa galuka? Pamue ongoje ino hala okuningica omuntu omuenjo omuinaji nokutondua? Omua ta ti: „Ngele ino mu pukulula e ta sile moondjo de; ombinzi je otandi ji pula miikaha joje nomuenjo guoje uo muene ino gu hupica, otagu kana.“

Ano sigo uunake ua muena ouala ua tala? Omua ta ti: Ondi nohapu nangoje sho u a muena ouala ua tala (Ehol. 2:20.) Oshiponga oshi li mokumuena nokutala, onke ne ombinzi ja mboka taji pulua miikaha joje.

H, Sakeus.

## EHUMO KOMEMO.

Uuanaua ouindji u li po ua holoka momavi getu gaauambo. Ngashingeji pua holoka ejooloko pokati kuujuni uetu nuujuni uookuku. Nale omuntu ita njanjukua, ngele ta kuata iikulja noonjala da toka, ihe, opo a kale a fuda, okua li e na tangotango okuimamama apehe. Omuntu ngele ti ijogo, aniaua oti ijogo uujamba. Omalua shili ga li ko pomacimbo ngejaka. Ihe ngashingeji, uujogoki tau lalakanenua kojendji mevi ljetu ljaauambo. Ehumo komeho li li po lja tsu pombanda no miinima ajihe. Ngashingeji aantu je li po ja penduka, ojendji ja hala nokuli momalongo, opo ja pukulukue, jo ja uape uo okuhumica jakuauo komeho.

Pomacimbo gongashingeji

Omapenda taga kondjo;

ja jambule aamuajina,

Nangoje osho u ninga uo.

Tu kondjeni oojakuetu,

Tu humeni komitse;

Elago ljevi ljetu,

Tse tu li ilongele.

Natango otaku monika mOuambo uo aantu ojendji, mboka inaaja tseja kutja; ehumo komeho notali ti ngini, oshoka ojo oja kuutumba natango momuzizimba guupagani. Ehumo komeho otali tu ulukile shoka oshiuanaua, tashi vulu oku tu kuaca uo mokukalamuenjo kuetu kombanda jevi; na otali tu ulukile shoka oshiuinaji tashi vulu okunkundipaleka nokujona po omalutu getu. Onke ndu uvite, ehumo komeho olja pumbiua noonkondo kutseni atuheni. Na Kalunga ina hala tu kaleni omagoja, tuua shi shoka tashi tu kuaca na shoka tashi tu jono po, onke e tu pa uo oondunge tu di longice. Ehumo itali ti,

Etsikilo kEpanja eti 2



## OMULILO GUOHOLE.

"Ohoole ji noonkondo da fa doka deso, o'i nuuladi ua fa mboka uoshaasi. Uupju uajo ua f'uupju uomulilo, eeno, ojo omulilo gua Jehova."

Ondjimbolela ja Salomo 8:6.

Egumbo kali nomulilo kali shi egumbo. Oljo oshigumbo shouala, kamu naantu. Oshoka omaziko ngele kage nomulilo, aantu otaa ka teleka peni notaa ka huhulukua peni? Ave, megumbo omu nokukala mu nomulilo.

Aakuluntu jomokati keni mua tseja omikalo odindji di nekuatacano nomulilo. Mu shi shi nkoka gua li gu noku ka talua ko, po nkene gua li gu noku onatelua guaa dime po. Mua uuvu uo omulilo guoshilongo nkehe gu li, nkene kagu na mpoka tagu dimi po no nkene gua tulua aatonateli jaguo ja simana.

Omikalo da tja ngaaka odindji da li po iidila juupagani. Onkee de ekeluahi kaakriste jongashingeji. Noshho sho opala. Ihe momikalo mono mua li mu na uo oondunge da sha. Tatu mono mo: efano euanaua.

Oshoka nomomagumbo gaakriste mu nokukala mu nomulilo ngoka kagu na mpoka tagu dimi po. Oguo kagu shi ngoka guopanshitue. Aanegumbo ojendji nando ohaa mono iikulja jauo ja telekua naua peziko no je nomalutu ga huhulukua naua komulilo, natango tuu oja huhua. Egumbo lja huhua, oshoka oomuenjo daantu du uvit' uotalala, Moomuenjo kamu na ohoole.

Ohoole ojo tuu omulilo ngoka gu nokukala momagumbo gaakriste guaa dime po nando. Shaa mpoka pu nohoole, aantu ajehe ju uvit' uuanaua. Aakuluntu oje hoole ojana, naanona oje hoole aakuluntu jauo. Megumbo moka mu nohoole, aantu ajehe oje hoole mo. Omukadona nge ta ka menekela maakuanezimo lje, mbalambala ota tameke okujuulukua kegumbo nokudiladila: Kegumbo oku na meme e hoole ndje. Oku na tate naamuameme, ajehe je hoole ndje. Oko nda hala ko. Omumati nge a ji kuuhui, esiku limue ota mono ombirive ja za ku he taji tameke: Omumuandje omuhoolike! Opo mpoka ota tameke okujuulukua kegumbo, oshoka u uuvite uotalala u' uujuni nuupju uohoole ndjoka ja huama kegumbo. Nani, oohandje domulilo ngoka ode mu aada nokokule uo.

Muuuni uonaale omulilo gua li gu noku ka talua kuua. Osho nomulilo ngoka guohole, kaku na ngoka e shi ku gu tema je muene. Ave, ugu noku ka talua kuua ua Kalunga, kOmuene gu hoole jashili. Oko nkoka akuke tse aantu tatu mono ohoole jaa'uhe itaji dimi po. Oko nkoka egumbo kehe epe li nokumona omulilo gualjo guokomuenjo. Natse mboka tua diki naale omagumbo getu, ngele omulilo guohole gua aadika gua dimi po megumbo ljetu omolu uuheci uetu nomolu uulunde uetu, oko tuu nkoka tu nokuendelelele ko, opo tu indile Omuaa Kalunga e tu pe omulilo omupe guohole. moomuenjo nomomagumbo getu. Eindilo lja tja ngaaka itali kandulua po kuje; oje ote li zimine no te tu pe isheue mohole je jaaluhe.

Ihe omulilo itagu kala gua huama naua, ngele itagu hohelua. Osho nomulilo ngoka guohole ugu nokuhohelua. Esiku kehe omu nokutulua uukuni uohapu oombuanaua di nombilinohoole. Omu nokutulua uo iikuni jo opala: omusati guekuacacano nonjege jejakulacano. Kehe oshilonga shekuacacano aantu jomegumbo taje shi longo otashi huamica naua omulilo guohole maandjauo.

Oshimpuiju shika shokutonatela omulilo guohole nashi ninge ishomuntu kehe ku li megumbo. Eeno, unene aakuluntu oje shi na he hajo ajeke. Kehe omunona, kehe omutekulua, kehe omukalele nenge omukalele e noshimpuiju shoka shimue: okudiginina ohoole jokuhoalacana ji kale ja huama shili momuenjo gue. Mokuninga ngaaka itaa pumbua okusondjala nenge okusuotalala moomuenjo dauo. Omulilo guohole tagu ja njanjuda notagu ja etele uuanaua ouindji.

Miinima mbika ajihe tse aantu otu na oshiholelua oshinene. Ngashi aacigona ohaa kambadala okuholela omikalo daakuluntu joshilongo, osho otse aakriste otu nokutaalela uo kOmuene guoshilongo shomegulu, kOmuaa Jesus Kristus. Leshulula isheue 1 Kor. 13: 4-7 u tale nkene oohapu doka adihe oda tsa naanaa mu Jesus. Oje omuguanici guohole. Oje oku uuda ohoole. Nomeuudo lje otse atuhe tatu peua mo ohoole ompe, ojaaluhe.

(Etsikilo ljoohapu dika otali ka holoka komeho li nedina „Eziko ljuudiginini.“)

## EHUMO KOMEHO.

tu koke ando nuuinaji, aue, omuanaua tuu.

Ehumo komeho otali taandele ngini? Oljo otali taandele nuudigu ouindji eshoka opu na ojendji mboka jaa uvite ko; jo ja njengua okueca uunkulunkalo jauo. Uukulunkalo ua tja ngeji, otuu holola nkene cmuntu e li po natango e nekuatacano nuupagani.

Oshike tashi taandelica ehumo komeho? Mokati koshiguana shaauambo otatu ada mo ngashingeji iiguana ji ili. Na pomacimbo gookuku otatu ada mo ashike oshiguana shaauambo. Onke pomacimbo gookuku itatu ada mo ehumo ljasha oshoka kaja li je li shi. Uuna moouambo mua holoka oshiguana shaa Europa,



## EGALIKANO LJOMUKUAMUHAMED.

Tala naua efano ndika! Ope na shike? Ope nongamelo. Eeno, ihe komeho gongamelo oku na shike? Pamue to mono ko omuntu a lala pevi mombuga jehekevi. Okua aadika ku shike? Ave, oku li ngaa naua. Ota galikana. Nani, oje omukriste? Ave, kee shi omukriste. Oje omukuamuhamed. Okua kundana Jesus, ihe ine mu itaala oje Omukulili gu' uujuni. Okui itaala Muhamed, omuhali omuarabia, oje omuprofeti omunene e vule Jesus. Eitaalo lje otali ti: „Kalunga oje e li po auike ti, na Muhamed oje omuprofeti gua Kalunga.“ Aakuamuhamed ja tja ngaaka oje li po ojendji mu Asia no mu Afrika uo. Kuumbangalantu no kuuzilo ua Afrika oje li po je vule oomiljona 50, ano oje vule aakriste momualu. Ihe meitaalo ojo kaje tu vule. Oshoka eitaalo ljauo kali na nekulilo nesilohenda nedimopo ljoondjo. Oljo ompango ajike.

Shimue otatu shi panda maakuamuhamed. Ojo kaje nuumbanda mokuhempulula eitaalo ljauo. Pomacimbo gu uucua mompango jauo otaa galikana kehe esiku shaa mpoka je li. Ngele ja aadika moshilandelo nenge mombuga nenge mekambamba nenge mokati kaakuiilongo, ashihe shimue: otaa zimbuka moshilonga shauo nenge otaa cikama mondjila jauo notaa tsoongolo pevi e taa galikana. Omuntu ngoka a fanekua mefano ljetu okua aadika ta kauile ongamelu mombuga. Sho kua li e shi shi ecimbo ljeegalikano lja cikana, okua londoloka nokui ihata pevi a simaneke Kalunga ke.

Tse Kalunga ketu otatu mu simaneke ngini mokati kaantu no muuiki? Otatu mu hempulula nomukumo gu cike peni?

## OMAITAALO GAAPAGANI.

Aakriste ojo oshitatatu shaantu ajehe jomuujuni. No sho tua ti ngeji, otua jalula maakriste aakatoliki naakuavevangeli ajehe kumue. Ponto jaakriste ope na aajuda mboka ja tindi okuitaala Jesus Kristus, onkee je li natango muupika uompango. Ojo kaje shi ojendji unene.

Aantu ojendji ojo aapagani natango. Aasinaneke jaacici oje cike poomiljona 100. Aakuamuhamed oje vule oomiljona 200. Aapagani joku India oje vule uo oomiljona 200. Ojo je niikalunga ojindjijindji noonkondo. Ku Kiina no ku Japani no kiilongo iikuaauo jomu Asia oku na natango aantu jcomiljona 450 mboka taa landula elongo lja Kungfutse no lja Laotse no lja Buddha. Nope na natango aapagani jalua inaa tumbulua mpaka.

Etejo oljo enene shili. Aalongi ojo aashona. No tu shi shi ecimbo oljo efupi. Galikanenji ano!

## OMAJELETUMBULO GOMOMBIBELI.

Ishona metilokalunga oji vule eloolo lja nombili. 15:16

Gumue oha gandja e ta likola, omukuauo okua ndalapata no ta hepa. 11:24.

Ngoka ta pungula ouala iilja, oje ota tulua omutima koshiguana, ihe ngoka ta landica iilja, ejambeko otali mu lambele. 11:26.

Gumue omujamba ania, je kee na sha; mukuauo ohepele ania, nando e niinima ojindji. 3:7.

opo mpoka uo ehumo lja tameke okutondokela mevi ljetu. Ehu- mo ndjoka mboka taje li taamba ojo tuu mboka ja mono eputudo ljasha. Oomboka inaa mona eputudo ljasha, oje na uudigu nuunjengui okumona ehumo komeho. Onke ndu uvite eputudo kali shi okudinua. Ondu uvite oluhodi sho pu na aakeleli aauambo jehumo komeho. Aagundjuka ojo taa vulu okutaamba ehumo mbala noku li taandelica. Opu na aakuluntu ojendji mboka jaa uvite ko ehumo, onke taja njengua okutumina ojana momalongopotudo, nando ojana jene je na ehalo enene okuja mo. Sigo ehalo tali teka mo momugunjuka. Onke ootatekult noomeekulu, peni aamueni ompito, okuja miiputudilo ja putudue jo ja humicue komitse, ja uape uo okujambula ojaakuauo.



# OUNJUNI TAU HAPULA SHIKE

## EKUNDO LJOMUMVO OMUPE LJA ADMINISTRATOR.

Omujiminekua, Administrator D. Viljoen ta kundu aantu je jomu Suidwes-Afrika ta ti ngeji:

Omumvo 1953 gua piti. Omuntu kehe gua Suidwes-Afrika otandi mu halele elago momumvo ngu omupe 1954. Omumvo 1953 ogue tu pa enjanju nuuehame, ehumokomeho euanaua niinima mbjoka taji tu nikicolubho li. Inatu dimbua kutja omuntu kehe e nokuhumbati omutenge gue, ihe otandi mu lombuele: Dimbueni mbjoka jokonima mu taalele omumvo ngu omupe mu nuupenda uupe. Ando tu ka adike kelaago no kehumokomeho euanaua! Ihe ngele hasho nena inatu kaniceni omu kumo, ihe tu kondjeni neinekelo ljokuinekela nguka guokOmba ndambanda.

### Elaka ljangdje kune oljo ndika:

1. Nando pamue omapulo getu omadigu itaga jamukulua mbala no pamadiladilo getu, ihe natu kondjeni tua hangana uuananaua uevi ndika nge tau kondjelua.

2. Kehe ngoka na guanice naua oshilonga she je na longele oojakuauo nevi lje. Nando lumue itandi ke mu lombuela: Zeni ko! ihe aluhe tandi ti: Ileni! Inamu dimbua kutja omulilo guokuhambuda kagu nokudima po. Okudiginina omulilo okuo okupu ku vule oku gu tema, nge gua dimipo.

3. Eimemeho itali pula iimaliua, ihe otali longo oshindji. Oshilonga oshiuanaua tashi pula kashona kouala ihe otashi hepuluca uehame ouindji. Otangotango didilikeni shika: Uunene mboka kaje na eimemeho otaa pumbua ekuaco ku mboka je shi okuimemeha.

4. Nando mu adike kuudigu u cike peni, aluhe maandjeni ihololeni ombinga ndjoka ombuanaua.

5. No komeho gaajihe kaleni pajuuki naalelua jeni haku tala oludi nenge oshipa.

### Omuhongi a ningi elenga.

Omuhongi Gaoffiled Todd a hogololua elenga ekuluntu (omuministeri guotango) mu Suid-Rhodesia. Moshinima moka a hala okuitula mo tangotango osho omauudigu ngejaka ga holoka mokati komaludi gi ili no gi ili. - Natu mu galikanene Kalunga e mu kuace oondunge miilonga je iidigu.

### Omuhongi a mono ondjambi jombili

Omuhongi Albert SCWEITZER, omudoktora guokupanga aavu nomudohtora guohapu da Kalunga nomudohtora guokuhika okahumba, oje a gandjelua nuumvo ondjambi jombili. Ondjambi ndjoka taji gandjua lumue aluke kehe omumvo ku nguka kua longo iilonga mbjoka taji koleke ombili juujuni. Schweitzer, sho kua mangua kiilonga je ojindji moshipangelo she oshinene mu Lambarene mokati ka Afrika ina uapa okuja ko okutaamba ondjambi je. Ihe aniuu iimaliua mbjoka kua je peua okua hala okudika najo oshipangelo oshipe shanuulepera mu Lambarene. Omuhongi Scwheitzer okua tsakanica omimvo 78 ihe natango ta longo naa naa mokati kaavu je noku ja panga noku ja longa oohapu da Kalunga.

### ESIKU LJOKUVALUA.

Auambo ojendji oja dimbulula omukalo guaatiligane guokudana esiku ljokuvalua. Kehe omumvo, mokuguanica isheue omumvo gumue guomokukalamuenjo kue, omuntu ota dana oshiruci shokudimbulukua esiku lje ljokuvalua. Ojendji otaa pakele po aajenda e taa peua uo omagano kujo. Ihe omukriste ota dimbulukua tangotango Kalunga ke no te mu hambelelele uuanaua uonaale no te mu indile e mu sile ohenda nokomeho je e mu jambeke. Aakriste aasuomi oje na embo ljomagalikano moka mu na uo egalikano omuntu ta vulu oku li galikana mokudimbulukua oomvula de da piti. Aakriste auambo uo otaje li kuacua uo mpaka.

### Egalikano mesiku ljokuvalua.

Tate jomegulu, Omuaa guomuenjo! Otandi ku hambelele noku ku galikana esiku ndika ljokuvalua kuandje, uana tandi ziminua isheue ndi tameke omumvo omupe mokukalamuenjo kuandje kombanda jevi. Otandi ku hambelelele aakuluntu jandje

### Kalunga oje etegameno ljetu.

Mu Duisland esiku eti 24 mu Oktöber olja ningi esiku ljaamboka ja kua tua kaatondi no ja ningua aapika. Etango sho lja toko, ookinteli da temua no da tentekua pomakende da fa da kundu oohe naanandjokana naamuanamati mboka inaa galuka miita. Ookinteli da fa da popi da ti: Tse inatu mu dimbua. Otatu tegelele mu galuke natango. Moshilando sha Niemoller (nguka a popiua oluindji moshifo shika) aantu ja gongalele moshilandelo, moka mu nemanja enene lja dikilua edimbulukico ljaamboka inaa galuka miita. Memanja ndjoka omua njolelua mo omadina goonkuatua. No kombanda jomadina omu noohapu dika: Inamu tu dimbua.

Omukuluntu guoshilando ta tameke okupopja. Ihe shaa kua tameke a njengua okupopja molu omahodi taga tondokele koompanda de. Aantu ajehe ja tameke okulila. Omukuluntu guoshilando ta heda popepi nemanja ndjoka enene e ta kuca mo omadina gatano ogaalumentu mboka ja adika ja mangululua muupika. Aalumentu mbaka otaje ja puujelele. Opo ja adika ja galukile kegumbo. Iipala jauo otaji holola omahepeko omadigu ja li je nokupitila mo ihe omu nenjanju uo ljokunjanjukilua emangululo. Omaminikilo agehe ga dimua po, ookinteli adike nomamunino miikaha jaantu ga tema. Omukuluntu guoshilando ta cikama poshiuiviculo e ta ti: Atuheni natu galikaneni ngashingeji Kalunga, oshoka oje auike etegameno ljetu. Tu galikaneni oje e tu dimbulukue mesilohenda lje enene. Omukuluntu ta jeluca pombanda iikaha je ja kua tua kumue, je ta lili nokuiigida mokule muuehame uunene. A fa a dimbua oje omukuluntu guoshilando naantu otaje mu pulakene. Oshili okua li koshipala sha Kalunga noshigongi shoka osha li oshigongi shegalikano ljarahili.

### Oandaha jongula taji digininua.

Mu Duisland aapangehi nomalenga goshilongo sho ja gongalele okutokola iinima joshilongo ohaa diginine okuninga kehe esiku oandaha jongula. Elenga kehe te ji ningi molufo lue. Aniuu ajehe haa diginine naua okuja mo. Osho ngaaka ohaa holola eitaalo ljauro ljokuitaala kutja kekuaco lja Kalunga alike oshilongo tashi vulu okupangelua naua.

### Omuuiliki guaakuiita a ningi omuhongi.

Omuuiliki guaakuiita omujapani Fuchida okua li omuna-ndungelela miita. Kua uilike oongundu daakuiita mbo haa kondjo nomadila. Okua uilike oongundu de dokukondjica aajamerika. Oluindjilindji konjala a sile miita ihe aluhe a hupicua. Luhamano nokuli kua guile mefuta edila lje sho lja jonuka po, ihe aluhe a hupicua. Omuenjo gue, osho ta ti je muene, ogua li gu udilila ondjahi. Kua li a hala okuninga shaa shoka a hanagule po aaniita najo ajehe. Iita sho ja muena okua shuna kegumbo lje nokua tameke okulala omapja ge. Ihe muuik mui a kua tua ku Kalunga nOmuhupici gue Jesus Kristus. Okui itedulula, kua ningi omukriste gua shili na ngashingeji tu uivicile aantu evangeli ljombili no ljuhupico mu Jesus Kristus.

### Omakaja taga jono po omapunga.

Aadoktora jaali aasuomi, Pentti Ermala na Lars Holsti oja konakona omakaja shoka taga longo momapunga. Nomakonakono gauo oga holola kutja omakaja taga kokica momapunga oshitumbuka oshinaji tashi vulu okudipaga omuntu.

nde ja peua ku ngoje. Otandi ku hambelele sho ua taambe ndje mesilohenda ljesbasho eapuki, ua sile ndje oshimpuiju aluhe, ua pe ndje cmagano-gi ili no gi ili no uatsejicile ndje uo oshili jcmegulu mochapu doje. Omuaa, ongame omuntu guouala, inandi cpalela esilohenda ljoje nuuanava uoje ue u ningile ndje. Uudica okana kandje ehambelele ljoje, nesimaneko ljoje omutenja aguhe. Ihe mokudimbulukua oomvula dandje da piti, ondi nokusohoni noku ku hempululila noluhodi, nkene nda jono oluindji nopamikalo odindji ngaje inandi ku longela, ngashi ndi noku ku longela. Onkee otandi ku galikana: dima po condjo dandje adihe cmolu Omuuoje Jesus Kristus ngoje u kuace ndje okulongica naua cmasiku gandje gokomeho, opo esiku ljangdje ljokusa li kale ljo cpala li vule ljokuvalua, nehulilo ljoond'enda dandje li kale ljo opala li vule etameko ljado. Kuaca ndje ombepo jesilchenda no jegalikano, ngu kuace ndje uo omagano gOmbepo ngoka tandi ga pumbua moshilonga shandje no meicano ljangdje. Jeleka ndje, opo ndi iime ojindji. Tate, otandi igandja moshimpuiju shoje. Otandi ku jambele omuenjo guandje. Okukala kuandje akuhe naku kale kue ku japulilua. Ongoje auike u peue ehambelele nesimaneko. Amen.



# OKAANDJETU

## ELALEKO KOUAMBO.

Okuza kesiku eti 29 lja Oktober sigo kesiku eti 8 lja Januarie otse nomukulukadi guandje tua kala mOuambo. Onda li nda hala okuilonga okutseja naua omalaka gi ili no gi ili gevi ndika. No ndi na okutja elajakano ndika ljangje onde li ada uo. Ihe onde li ada kekuaco ljaantu ojendji aatiligane nauambo. No mombapila ndjika onda hala oku mu pandula nepandulo ljo-komuenjo omolu omapukululo nuupjakadi ueni.

Otua li tua njanjukilua shili sho tua mono oshindji shomoshilonga shetumo. Otua jile kOlukonda, nokOnajena, nokOshigambo, nokOnandjokue, nokOniipa, nokOnguediva, nokEngela no kEenana no tua dimbulula oohapu da Kalunga nkene hadi longo ko. Otua mono nkene aantu ojendji taje ja komambo na nkene ojendji taa ningi aajenda jokUulalelo Uujapuki. MOniipa otua li mongerki aapagani sho ja shashua nomOnoshi tua tala aapagani ojendji sho ja pulakene oohapu dehupico. No tua kuatua shili koshilonga shoka oshinene tashi longua mooskola no mo' ati kaavu. Na uunene muka mUushimba otatu dimbulula oshilonga shika itashi longua osima. Muka omu nauambo oje-ndji mboka taa diginine ckuja mongerki. Onda fa ndu uvite „ndi li megumbo“ ngame sho nda ningi oliturgia pashindonga melo-angelokalunga ljaauambo mu Grootfontein.

Osho oshinima oshinene shili aantu jomomavi gi ili no gi ili no momaludi gi ili no gi ili no momalaka gi ili no gi ili sho ja hanganicua keitaalo limue ljokuitaala Omua gumue, oKristus. Otse nomukulukadi guandje no mu Duisland, nge tatu ka cika ko, otatu ka dimbulukua nenjanju nomapandulo uukumue ueitaalo tua hanganicua nauo naakriste jokOuambo.

Grootfontein 11. Januarie 1954.  
Professor Dr. Ernst Dammann.

## EPANDULO ENENE.

Otua pandula unene shoka tua li tua talelua po komusamane Pinehas Kambonde, Olukonda, pamue naagundjuka aakagumbo je tu popica noohapu domakumagido nomaimbilo.

Okua li tua njanjukua pamue na jo onke ano Kalunga na jambeke aakuetu mbaka. Atuhe otatu niu halele ejambeko. Inamu tu dimbua momagalikano natse uo itatu mu dimbua, tua hala esiku kehe oku mu galikanena.

Omua oje muene ne tu pe oonkondo.  
Johannes Shifotoka  
Walvisbaai

## OSHIFO SHETU OMUKUETU OTASHI TAANDELE NGEJI;

Okaku	329
Oshigambo	283
Elim	247
Ongenga	245
Oshitaji	212
Onjaanja	198
Ombalantu	167
Ongandjera	158
Ondobe	154
Oniipa	144
Olukonda	130
Ontananga	127
Endola	125
Omudaungilo	112
Engela	106
Niimuandi	103
Edundja	94
Onguediva	94
Uukualuudi	91
Eenana	68
Okalongo	62
Uukolonkadi	51
Onajena	50
Ohalushu	35
Oshakati	26
Okankolo	20
Okatope	0
	<hr/>
	3431
Kuushimba no kiilongo	700
	<hr/>
	4131

Kondjeni ngaa natango, ne aalandici joshifo. Egongalo lini po ando tali vulu okusinda Okaku? Tu taleni!  
Kundueni kOmukuetu.



Omvula ja loko. Omeja geli po ogendji. Aano-na naagundjuka oje nenjanju ljokuijoga nokudana momilonga.

## EPUKULULO

Amuhe mboka hamu mbesitela omambo kOstora jomambo namboka hamu shangele iin'olua jeni kOmukuetu, ino dimbua ue okusanga oadres nedina ljoje. Ongoka to shangele mOmukuetu ihe ino njola oadres nedina ljoje ehokololo ljoje itali tulua mOmukuetu. Nangoka ua mbesitela omambo ngoje ino shanga oadres nedina ljoje nena oua kanica iimaliua joje.

Ajihe mbika otaji holoka oshoka auambo inatu longua natango, nomikalo dokunjola ombapila katu di shi. Tu jeni ano momanongelo opo tu longueni.

Tu galikaneni oshiguana shetueni shi taambe oondunge.  
Filemon Silvanus.

## ESIVIFILO.

Eenani domusamane uokOhalushu da kanena mokuti kua Haihambo nomujamba.

Onaua ngenge ope na ou a mona eengobe ne, da kana a tume elaka kOmukuetu nonhele apa e di mona omukunda ile oshilongo ile ofuka. Omaluvala ado:

Ope na elua li laula la fa embudu la tetua okutui. Noitiliana jomutue ua andjuka, nofidi ja fombabi. Noilaula itoka medimo jomushila uelitonja.

Ngenge ope na ou e di mona tuma elaka kO nukueta Oniipa.  
Johannes Muatotele  
Ohalushu.



### kOniimuandi:

Suoma Nangolo a si 29. 12. 53.  
Suoma Jakob a si 30. 12. 53.  
Lovisa Nambuandja a si 1. 1. 54.  
Mikael Nantana a si 9. 1. 54. Mikael nguka  
a adika a hulica po oskola je juuevangeliste  
kEngela omumvo 1953. Kalunga e mu kuca  
po.

### kEenana:

Paula Lesheni ja Petrus a si 20. 12. 53.  
Saara ja Dikileni a si 14. 12. 53.  
Evelina Ndesihala a si 18. 12. 53  
Diina ja Elieser a si 29. 12. 53

### kOshitaji:

Erastus Leonard a si 1. 1. 54  
Josefina Ekandjo a si 4. 1. 54  
Maria Sakaria a si 5. 1. 54

Okambishi ka holoka taka landua 1/6